

К ОПУБЛИКОВАНИЮ

КОМИ РЕСПУБЛИКАЛӨН ОЛАНПАС

Коми Республикаын том йӧз политика да Коми Республикаса ӧткымын оланпастэчас акт вынтӧмӧн лыддьӧм йылысь

Примитӧма Коми Республикаса
Каналан Сӧветӧн

2021 вося кӧч тӧлысь 30 лунӧ

Тайӧ Оланпасыс ладмӧдӧ Коми Республикаын том йӧз политика збыльмӧдӧгӧн том йӧз политика юкӧнын уджалысь субъектыяс костын артмысь йитӧдъяссӧ «Россия Федерацияын том йӧз политика йылысь» Федеральнӧй оланпасӧн урчитӧм том йӧз политика збыльмӧдан медшӧр могъяс, принципъяс, шӧр нырвизьяс да формаяс серти (водзӧ – Федеральнӧй оланпас), индӧ Коми Республикаын том йӧз политика юкӧнын Коми Республикаса канму власьт органъяслысь уджмогъяссӧ.

1 статья. Коми Республикаын том йӧз политика юкӧнын йитӧдъяссӧ инӧд боксянь ладмӧдӧм

1. Коми Республикаын том йӧз политикасӧ инӧд боксянь ладмӧдӧмыс подулавсьӧ Россия Федерацияса Оланподув, Коми Республикаса Оланподув вылӧ да пӧртсьӧ олӧмӧ Федеральнӧй оланпас, мукӧд федеральнӧй оланпас, Россия Федерацияса мукӧд нормативнӧй инӧда акт, тайӧ Оланпас, Коми Республикаса оланпасъяс да мукӧд нормативнӧй инӧда акт, муниципальнӧй инӧда актъяс серти, кӧнӧ эмӧсь нормаяс, кутшӧмъяс ладмӧдӧны том йӧзлысь инӧдъяс збыльмӧдан юкӧнын йитӧдъяссӧ.

2. Тайӧ Оланпасын вӧдитчан медшӧр кыввежӧртасъясӧн вӧдитчӧны сӧйӧ жӧ вежӧртасын, мый и Федеральнӧй оланпасын да мукӧд федеральнӧй оланпасын.

2 статья. Коми Республикаын том йӧз политикаын медшӧр могъяс, принципъяс да шӧр нырвизьяс

1. Коми Республикаын том йӧз политикасӧ збыльмӧдӧны Федеральнӧй оланпаслӧн 4 – 6 статьясын индӧм том йӧз политика збыльмӧдан медшӧр могъяс, принципъяс да нырвизьяс серти.

2. Коми Республикаын том йӧз политикаын шӧр нырвизьяссӧ збыльмӧдӧны Россия Федерацияса оланпастэчас, Коми Республикаса оланпастэчас да муниципальнӧй инӧда актъяс серти том йӧзлысь социальнӧй коланлуньяссӧ, Коми Республикаын войтырсикас традицияссӧ, дӧнмуса, меставывса да этнокультурнӧй аслыспӧлӧслуньяссӧ тӧд вылӧ босьтӧмӧн, сы лыдын Коми Республикаса

канму уджтасьяс, муниципальной уджтасьяс серти, кутшомьяс урчитоны том йозлы, том семьяслы да том йозлөн отйоза отувьяслы отсөг сетан мероприятиеяссö, том йоз политика инфраструктураон водитчомон.

3 статья. Коми Республикаын том йоз политика юкёнын йитодьясын участвуйтысьяс

1. Коми Республика нимсянь Коми Республикаын том йоз политика юкёнын йитодьясын участвуйтоны Коми Республикаса Каналан Совет, Коми Республикаса Юралысь, Коми Республикаса Веськөдлан котыр да Коми Республикаса Веськөдлан котырон урчитом порадокын уполномочитом мукөд оломö портысь власьт орган.

2. Коми Республикаын меставывса асвеськөдлан органьяс участвуйтоны Коми Республикаын том йоз политика збыльмөдöмын Федеральной оланпаслөн 10 статьяон урчитом уджмогьясын.

3. Том йоз участвуйтоны Коми Республикаын том йоз политика збыльмөдöмын Федеральной оланпаслөн 7 статьяын индом формаясын (сы лыдын юортан да коммуникация технологиясөн водитчомон, кутшомьяс сетоны позянлун участвуйтны дистанционнöя).

4 статья. Коми Республикаын том йоз политика юкёнын Коми Республикаса Каналан Советлөн уджмогьяс

Коми Республикаын том йоз политика юкёнын Коми Республикаса Каналан Советлөн уджмогьяс лыдö пырöны:

1) Коми Республикаын том йоз политика юкёнын Коми Республикаса оланпасьяс да Коми Республикаса мукөд нормативной инöда акт примитом;

2) Коми Республикаын том йоз политика юкёнын Коми Республикаса оланпасьясö кутчысьом да найос оломö портөм бöрся видзөдөм;

3) том гражданаос, том йозлысь отйоза отувьясöс оланпас лөсьöдан уджын участвуйтны корөм;

4) Федеральной оланпас, мукөд федеральной оланпас, Коми Республикаса оланпасьяс серти мукөд уджмог.

5 статья. Коми Республикаын том йоз политика юкёнын Коми Республикаса Юралысьлөн уджмогьяс

Коми Республикаын том йоз политика юкёнын Коми Республикаса Юралысьлөн уджмогьяс лыдö пырöны:

1) Коми Республикаын том йоз политика юкёнын Коми Республикаса нормативной инöда актьяс примитом;

2) Федеральной оланпас, мукөд федеральной оланпас, Коми Республикаса оланпасьяс серти мукөд уджмог.

**6 статья. Коми Республикаын том йӧз политика юкӧнын
Коми Республикаса Веськӧдлан котырлӧн уджмогъяс**

1. Коми Республикаын том йӧз политика юкӧнын Коми Республикаса Веськӧдлан котырлӧн уджмогъяс лыдӧ пырӧны:

1) Коми Республикаын том йӧз политика збыльмӧдӧм;

2) том йӧз политика юкӧнын Коми Республикаса оланпас балаяс дасьтӧм, Коми Республикаса мукӧд нормативнӧй инӧда акт дасьтӧм да примитӧм;

3) Коми Республикаын том йӧз политика юкӧнын Коми Республикаса канму да дӧнму уджтасъяс вынсьӧдӧм;

4) Коми Республикаса дӧнму социально-экономическӧй, экологическӧй, демографическӧй, этнокультурнӧй да мукӧд аслыспӧлӧслун тӧд вылӧ босьтӧмӧн том йӧз политика юкӧнын шӧр нырвизьяс серти дӧнму уджтасъяс дасьтӧм да збыльмӧдӧм;

5) том йӧзкӧд уджалӧм серти специалистъяслысь уджсӧ котыртӧм;

6) Коми Республикаса олӧмӧ пӧртысь власьт органӧс индӧм, кодӧс уполномочитӧма котыртны Федеральнӧй оланпас серти Россия Федерацияын том йӧзлӧн олӧм-вылӧм йылысь доклад дасьтӧм могысь Коми Республикаын том йӧз политика збыльмӧдан мониторингсӧ;

7) Коми Республикаса Веськӧдлан котырлысь премияяс, нима стипендияяс индӧмӧн Коми Республикаын енбиа том йӧзӧс творчествоӧ, наукаӧ да ӧтйӧза уджӧ ышӧдӧм;

8) коланлун дырйи Коми Республикаса Веськӧдлан котыр бердын Коми Республикаын том йӧз политика збыльмӧдан юалӧмъяс серти сӧвещательнӧй, координационнӧй, консультативнӧй да мукӧд уджалан орган лӧсьӧдӧм;

9) муниципальнӧй уджтасъяс серти отсӧг сетӧм, кӧнӧ урчитӧма челядькӧд да том йӧзкӧд уджалӧм серти мероприятиеяс олӧмӧ пӧртӧмсӧ;

10) уджсикасӧ велӧдан организацияскӧд да вылыс тшупӧда велӧдан организацияскӧд том специалистъясӧс дасьтан, налысь тӧдӧмлун бурмӧдан да квалификация кыпӧдан юалӧмъяс серти ӧтув уджалӧм;

11) том йӧз пӧвстын инӧд торкалӧмъясысь профилактика серти котыртан, научно-методическӧй да юӧртан удж олӧмӧ пӧртӧм, сы лыдын том йӧз пӧвстын оланпаслы лӧсявтӧм оласногысь профилактика юалӧмъяс серти научно-практическӧй конференцияяс, семинаръяс нуӧдӧмӧн, юӧр сетан-юӧртан материалъяс йӧзӧдӧмӧн;

12) лӧсялана велӧдан организациясын быдтан-велӧдан уджлысь ногтуйсӧ кыпӧдан мероприятиеяс нуӧдӧм, сы лыдын профилактика мероприятиеяс нуӧдӧмӧн, велӧдчӧмысь прӧст кадӧ велӧдчысь да студенталысь том йӧзлы недыр кадся удж вылӧ босьтӧмын отсалӧмӧн;

13) том йӧзлы социальнӧй инфраструктура сӧвмӧдӧм могысь условияс лӧсьӧдӧм;

14) том йӧзлӧн ӧтйӧза ӧтувъяслы отсӧг сетӧм да найӧс сӧвмӧдӧм вылӧ веськӧдӧм мероприятиеяс збыльмӧдӧм;

15) том йӧзлӧн либӧ челядьлӧн дӧнмукустса, дӧнмуса да меставывса

өтйөза өтүвьяслысь республиканскöй реестр нуөдөм, кодьяс босьтöны Коми Республикаын канму отсöг (водзö – республиканскöй реестр);

16) федеральнöй олөмө пöртысь власьт органö, кодi пöртö олөмө канму том йöз политика юкöнын канму услугаяс сетан да канму эмбурөн веськөдлан могьяссö, кутшöмьясöс индöма «Том йöзлөн да челядьлөн өтйөза өтүвьяслы канмусянь отсöг сетөм йылысь» Федеральнöй оланпаслөн 13 статьяын, республиканскöй реестрö пыртөм өтүвьяс йылысь тöдмөгьяссö сетөм;

17) Коми Республикаын том йöзлөн олөм-вылөм йылысь доклад вынсьöдөм;

18) Коми Республикаын том йöзлөн олөм-вылөм йылысь доклад дасьтөм могысь Коми Республикаын том йöз политика збыльмөдөм бöрся мониторингсö котыртөм да олөмө пöртөм;

19) Россия Федерацияса оланпастэчас да Коми Республикаса оланпастэчас серти мукöд уджмог.

2. Коми Республикаса Веськөдлан котырлысь уджмогьяссö, кутшöмьясöс индöма тайö статьялөн 1 юкöнын, Коми Республикаса Веськөдлан котыр пöртö олөмө ачыс либö сыөн уполномочитөм Коми Республикаса олөмө пöртысь власьт орган, тайö статьялөн 1 юкөнса 3, 6 – 9 пунктьясын индөм уджмогьяс кындзи, кутшöмьясöс Коми Республикаса Веськөдлан котыр ачыс пöртö олөмө.

7 статья. Коми Республикаын том йöз политика збыльмөдөмсö юөр боксянь могмөдөм

1. Коми Республикаса канму власьт органьяс, Коми Республикаын меставывса асвеськөдлан органьяс да том йöз политика юкöнын уджалысь субъектьяслөн ведомствоувса организацияс могмөдöны Коми Республикаын том йöз политика збыльмөдөм йылысь юөрлысь восьсалунсö да сыөн вöдитчыны позянлунсö.

2. Коми Республикаын том йöз политика збыльмөдөм йылысь юөрö пырöны официальной статистика учётлөн мыччөдьяс, кутшöмьяс йитчöмаось том йöз политика збыльмөдөмкөд, том йöз политика збыльмөдан мониторинглөн мыччөдьяс да мукöд мыччөд, кутшöмьясöс Коми Республикаса канму власьт органьяс, Коми Республикаын меставывса асвеськөдлан органьяс, а сiдзжö том йöз политика юкöнын уджалысь организацияс босьтöны ассыныс могьяссö олөмө пöртiгөн.

Коми Республикаын том йöз политика збыльмөдөмсö юөрөн могмөдöны Федеральнöй оланпас серти, сы лыдын федеральнöй канму автоматизируйтөм юөртан система отсöгөн.

8 статья. Коми Республикаын том йöз политика збыльмөдөм бöрся мониторинг

1. Коми Республикаын том йöз политика збыльмөдөм бöрся мониторинг – тайö Коми Республикаын том йöзлөн олөм-вылөм йылысь доклад дасьтөм могысь Коми Республикаын том йöзлөн, том семьяслөн

да том йӧзлӧн ӧтйӧза ӧтувъяслӧн олӧм-вылӧм йылысь, том йӧз пӧвстын войтырсикаскастса (войтыркостса) да конфессиякостса сӧгласлунсӧ могмӧдӧм йылысь, том йӧзлӧн экстремизм ӧтувъяс лӧсьӧдӧмысь да экстремизм, национализм идеологиялӧн мукӧд петкӧдчӧмысь видзчысьӧм йылысь юӧр чукӧртӧм, ӧтвывтӧм, анализируютӧм да донъялӧм серти систематическӧй, комплекснӧй да планӧвӧй удж.

2. Коми Республикаса Велькӧдлан котыр индӧ Коми Республикаын том йӧз политика збыльмӧдӧм бӧрся мониторинг нуӧдан пӧрадоксӧ, Коми Республикаын том йӧзлӧн олӧм-вылӧм йылысь доклад дасьтан пӧрадоксӧ, кадколастъяссӧ, а сӧдзжӧ быть вӧчны колана юӧр лыддьӧгсӧ, кутшӧмӧс колӧ пыртны Коми Республикаын том йӧзлӧн олӧм-вылӧм йылысь докладӧ, Коми Республикаын том йӧзлӧн олӧм-вылӧм йылысь доклад дасьтыны уполномочитӧм Коми Республикаса олӧмӧ пӧртысь власьт органсӧ (водзӧ – уполномочитӧм орган).

Коми Республикаын том йӧзлӧн олӧм-вылӧм йылысь докладӧн тӧдмӧдӧны Коми Республикаса канму власьт органъясӧс, Коми Республикаын меставывса асвелькӧдлан органъясӧс, том йӧз политика юкӧнын уджалысь мукӧд субъектӧс, да сӧйӧс колӧ йӧзӧдны уполномочитӧм органлӧн официальной сайтын Коми Республикаса Велькӧдлан котырон индӧм пӧрадокын да кадколастъясӧ.

9 статья. Коми Республикаын том йӧзлӧн да челядьлӧн ӧтйӧза ӧтувъяслы канмусянь ӧтсӧг сетӧм

1. Коми Республикаын том йӧзлӧн да челядьлӧн дӧнмукоствса, дӧнмуса да меставывса ӧтйӧза ӧтувъяслы канмусянь ӧтсӧгсӧ сетӧны Коми Республикаса оланпастӧчас серти.

2. Том йӧзлӧн либӧ челядьлӧн дӧнмукоствса, дӧнмуса да меставывса ӧтйӧза ӧтувъяссӧ, кодъяс босьтӧны Коми Республикаын канму ӧтсӧг, пыртӧны республиканскӧй реестрӧ. Коми Республикаса Велькӧдлан котыр индӧ том йӧзлысь да челядьлысь ӧтувъяссӧ республиканскӧй реестрӧ пыртан пӧрадоксӧ, условиеяссӧ да кадколастсӧ, а сӧдзжӧ республиканскӧй реестр нуӧдан пӧрадоксӧ.

3. Юӧрыс, кутшӧм эм республиканскӧй реестрын, лӧӧ быдӧнлы вӧдитчыны позынаӧн да сӧйӧс сетӧны Россия Федерацияса оланпастӧчас да Коми Республикаса оланпастӧчас серти.

10 статья. Коми Республикаын том йӧз политика юкӧнын войтыркостса уджӧртасьӧм

1. Коми Республикаын том йӧз политика юкӧнын войтыркостса уджӧртасьӧмыс пӧртсӧ олӧмӧ Россия Федерацияса оланпастӧчас, Россия Федерациялӧн войтыркостса сӧрнитчӧмъяс серти.

2. Коми Республикаса канму власьт органъяс да Коми Республикаса мукӧд канму орган, Коми Республикаын меставывса асвелькӧдлан органъяс том йӧз политика юкӧнын уджалӧны ӧтув войтыркостса организацияскӧд, суйӧрсайса канму органъяскӧд, а сӧдзжӧ суйӧрсайса абу

веськӧдлан котырса организацияскӧд аслас компетенцияын Россия Федерацияса оланпастэчасӧн урчитӧм пӧрадокын, Федеральной оланпаслӧн 13 статьяын индӧм формаясын.

11 статья. Коми Республикаса канму власьт органьясӧн том йӧз политика юкӧнын уджмогъяс збыльмӧдӧмсӧ сьӧмӧн могмӧдӧм

Коми Республикаса канму власьт органьясӧн том йӧз политика юкӧнын уджмогъяс збыльмӧдӧмсӧ сьӧмӧн могмӧдӧны Коми Республикаса республиканскӧй сьӧмкуд сьӧм тшӧт весьтӧ да мындаын, мыйта урчитӧма Коми Республикаса канму да дӧнму уджтасъясын лӧсялана мероприятиеяс серти, а сӧдзжӧ оланпастэчасӧн абу ӧлӧдӧм мукӧд ӧшмӧс тшӧт весьтӧ.

12 статья. Бӧркыв

1. Тайӧ Оланпасыс вынсялӧ сийӧс официальной йӧзӧдӧмсянь дас лун кольӧм мысти.

2. Коми Республикаса Веськӧдлан котырлы примитны нормативной инӧда актъяс, кутшӧмъяс могмӧдӧны тайӧ Оланпас збыльмӧдӧмсӧ.

3. Лыддыны вынтӧмӧн:

1) «Коми Республикаын том йӧз политика йылысь» 2010 во йирым тӧлысь 4 лунся 115-РЗ №-а Коми Республикаса Оланпас (Коми Республикаса канму власьт органьяслӧн индӧд-тшӧктӧмъяс, 2010, 37 №, 866 ст.);

2) «Коми Республикаса торья оланпастэчас актъясӧ вежсьӧмъяс пыртӧм да велӧдан уджкӧд йитчӧм юалӧмъяс серти Коми Республикаса некымын оланпастэчас акт вынтӧмӧн лыддьӧм йылысь» 2013 во йирым тӧлысь 7 лунся 95-РЗ №-а Коми Республикаса Оланпаслысь 11 статья (Коми Республикаса канму власьт органьяслӧн индӧд-тшӧктӧмъяс, 2013, 32 №, 593 ст.);

3) «Коми Республикаын том йӧз политика йылысь» Коми Республикаса Оланпасӧ вежсьӧмъяс пыртӧм йылысь» 2014 во ода-кора тӧлысь 5 лунся 28-РЗ №-а Коми Республикаса Оланпас (Коми Республикаса канму власьт органьяслӧн индӧд-тшӧктӧмъяс, 2014, 13 №, 198 ст.);

4) «Коми Республикаын том йӧз политика йылысь» Коми Республикаса Оланпасӧ вежсьӧмъяс пыртӧм йылысь» 2015 во лӧддзаномъя тӧлысь 23 лунся 47-РЗ №-а Коми Республикаса Оланпас (Коми Республикаса канму власьт органьяслӧн индӧд-тшӧктӧмъяс, 2015, 11 №, 139 ст.);

5) «Коми Республикаын том йӧз политика йылысь» Коми Республикаса Оланпаслӧн 7 статьяӧ вежсьӧм пыртӧм йылысь» 2017 во кӧч тӧлысь 29 лунся 62-РЗ №-а Коми Республикаса Оланпас (Коми Республикаса канму власьт органьяслӧн индӧд-тшӧктӧмъяс, 2017, 21 №, 353 ст.).

Коми Республикаса Юралысь

В.В. Уйба

Сыктывкар

2021 вося йирым тӧлысь 11 лун

94-РЗ №